

المنوفية : ارتفاع أسعار الخضراوات .. كيلو الطماطم وصل 12 جنيهاً



الثلاثاء 29 سبتمبر 2015 12:09 م

ارتفعت أسعار الخضراوات والفواكه، بمحافظة المنوفية؛ حيث وصل سعر الطماطم إلى 10 جنيهات، في ثاني يوم العيد، وتوقع الجميع أن تنخفض بعد العيد إلا أن السعر وصل 12 جنيهاً

شملت بقية الأسعار:
الكوسة 8 جنيهات
الباذنجان 4 جنيهات
البامية 7 جنيهات
الفل الأخضر 5 جنيهات
الخيار 7 جنيهات
البلح الأحمر 10 جنيهات
العنب 10 جنيهات .
التين 10 جنيهات
المانجو تتراوح اسعارها بين 15 و20 و25 جنيهاً، بحسب النوع
الجوافة 10 جنيهات

تقول الحاجة سعدية حامد، بائعة خضار: ما يحدث ضرر على البائع قبل المشتري اشتريت قفص الطماطم بـ172 جنيهاً من يومين ورحت النهارده الوكالة قالي بـ200 اذا كانت الناس مش راضية تشتري الطماطم بـ 12 هتشتريها بـ15 جنيهاً!!

ويضيف عمر صابر: أنا نزلت اشتري طماطم وخضار اتصدت من الاسعار هو ايه الي بيحصل انا اجيب مين ده غير اللحوم الي وصلت 100 جنية للكيلو ..هي الحكومة وظيفتها ايه مادامت الدنيا خراب اوي كده!!

وتعلق صفاء عمرو: لما الطماطم توصل 12 جنية يعني محتاجه 40 جنيهاً طماطم علشان اعمل اكل لاسرتي 6 أفراد، ومع الخضار محتاجه 30 جنيهاً ومع اللحمه 200 جنية يعني وجبة تكلفتها 270 جنيهاً من غير الفاكهة الي محتاجه 100 جنية لوحدها علشان تكفي عيلتنا يعني ناكل ايه؟ وبعدين هي رواتب الموظفين الي بتنقص مش بتزيد تستحمل كده؟! سؤال لازم الحكومه تجاوب عليه وتفتكر ان في شعب هي مسؤله عنه